



Reykjavíkurborg

Borgarstjórnin í Reykjavík

Reykjavík, 29. mars 2019

R19030339

310-2

Borgarráð

Samningur við Bandalag íslenskra listamanna 2019 - 2021

Lagt er til að borgarráð samþykki hjálögð drög að þjónustusamningi til þriggja ára við Bandalag íslenskra listamanna (BÍL) um samvinnu á sviði menningarmála fyrir árin 2019-2021. Reykjavíkurborgar og BÍL hafa gert þjónustusamning frá árinu 2007. Markmið samstarfsins er gagnkvæmur ávinningur á sviði menningarmála þar sem Reykjavíkurborg styrkir starf BÍL sem veitir Reykjavíkurborg ráðgjöf og aðstoð samkvæmt nánara samkomulagi. Árleg greiðsla Reykjavíkurborgar til BÍL er 1.060.000 kr. og færist af kostnaðarstaðnum 09510, ýmsar samningsbundnar greiðslur.

Dagur B. Eggertsson

Hjálagt:

Drög að þriggja ára þjónustusamningi við BÍL.

Reykjavíkurborg, kt. 530269-7609, Ráðhúsi Reykjavíkur, Tjarnagötu 11 og Bandalag íslenskra listamanna (BÍL), kt. 440169-2959, gera með sér svohljóðandi

Þjónustusamningur um samvinnu á sviði menningarmála

1. gr. Tilgangur og gildissvið

Reykjavíkurborg og BÍL hafa gert þjónustusamning frá árinu 2007 og eru sammála um að halda áfram samstarfi sínu til næstu þriggja ára. Markmið samstarfsins er gagnkvæmur ávinningur þar sem Reykjavíkurborg styrkir starf BÍL sem veitir Reykjavíkurborg ráðgjöf og aðstoð samkvæmt nánara samkomulagi.

2. gr. Samningsverkið

Bandalag íslenskra listamanna lætur Reykjavíkurborg í té umsagnir, álitsgerðir, upplýsingar og ráðgjöf um mál sem Reykjavíkurborg vísar til slíkrar umfjöllunar. BÍL hefur einnig milligöngu um öflun upplýsinga og umsagna frá einstökum aðildarfélögum óski Reykjavíkurborg þess.

Málefnasvið sem umfjöllun samkvæmt málsgrein þessari getur tekið til eru meðal annars: Samstarf um endurskoðun menningarstefnu fyrir Reykjavíkurborg og úttektir henni tengdar. Stefnumörkun í einstökum greinum lista, tölfraði um listalíf í Reykjavík, tilnefningar stjórnar BÍL í ráðgjafahópa að ósk menningar- íþróttá- og tómstundaráðs, s.s. um styrkveitingar og tilnefningar áheyrnarfulltrúa á fundum ráðsins. Undirbúningur opinberra funda á vegum Reykjavíkurborgar er varða listir og menningu og kynning á íslenskri list, m.a. í skólum. Jafnframt fjölþjóðlegt samstarf á sviði lista og önnur mál er varða listir og listamenn almennt er geta komið Reykjavíkurborg til góða. Markmið samvinnunnar er meðal annars að stuðla að því að fyrir hendi séu jafnan sem gleggstar upplýsingar um listalífið í Reykjavíkurborg og þróun þess.

3. gr. Fjárhagsskuldbindingar og greiðslur

Samningur þessi gildir fyrir árin 2019 til 2021. Reykjavíkurborg greiðir BÍL kr. 1.060.000 2019 – 2021 fyrir framangreinda þjónustu með fyrirvara um fjárhagsáætlun 2020 og 2021. Fyrsta greiðsla fer fram 15. júní 2019 kr. kr. 1.060.000 gegn framvísun reiknings.

4. gr. Ábyrgðaraðilar og tengiliðir

Umsjón og eftirlit með framkvæmd samnings þessa er hjá skrifstofustjóra skrifstofu menningarmála á Menningar- og ferðamálasviði Reykjavíkurborgar. Forseti BÍL hefur umsjón með framkvæmd samningsins fyrir hönd samtakanna og er tengiliður við Reykjavíkurborg.

5. gr. Eftirlit, eftirfylgni og kynningarmál

BÍL skal skila greinargerð að loknu hverju starfsári um ráðstöfun fjárframlags Reykjavíkurborgar og framvindu samstarfsins, í síðasta lagi 1. maí ár hvert, og árituðum ársreikningi þegar hann liggur fyrir en þó eigi síðar en á samráðsfundi aðila. Í greinargerð skal skila kyngreindum gögnum í samræmi við

7.4 lið styrkjahandbókar Reykjavíkurborgar. Samráðsfundi skal halda í maí árlega þar sem farið er yfir framkvæmd samningsins og verkefnaáætlun komandi starfsárs. Skrifstofustjóri skrifstofu menningarmála boðar til fundanna.

BÍL skal halda kynningu á því verki sem fjárveiting fór til án sérstakrar þóknunar sé eftir því óskað af Reykjavíkurborg. Samtökin skulu upplýsa í kynningum á starfsemi sinni að þau séu styrkt af Reykjavíkurborg og skal félagið birta merki Reykjavíkurborgar í því skyni.

6. gr. Eignarréttur, höfundarréttur og trúnaður

Reykjavíkurborg er eigandi þeirra gagna sem myndast við vinnslu verkefna samkvæmt samningi þessum. Þeim má ekki dreifa eða afhenda án heimildar Reykjavíkurborgar sem fer með höfundarrétt hugverka og útgáfurétt rita.

Samningsaðilar skulu virða sem trúnaðarmál allar þær upplýsingar um starfsemi gagnaðila sem þeir kunna að öðlast við framkvæmd samnings þessa, enda séu þær ekki almennt þekktar eða hafi verið gerðar opinberar. Þagnarskyldan helst eftir lok efnda á samningi þessum.

7. gr. Fyrirvarar, vanefndir og meðferð deilumála

Samningur þessi er gerður með fyrirvara um samþykki borgarráðs og eru fjárveitingar Reykjavíkurborgar eftir fyrsta ár samningsins með fyrirvara um fjárheimildir samkvæmt fjárhagsáætlun á hverju ári eftir það. Samningurinn er uppsegjanlegur af hálfu beggja aðila með sex mánaða fyrirvara.

Reykjavíkurborg áskilur sér rétt til að rifta samningi þessum og/eða krefjast endurgreiðslu ef sannanlega er um forsendubrest eða vanefndir að ræða af hálfu BÍL. Telji annar samstarfsaðili sig ekki geta uppfyllt ákvæði samnings þessa skal tilkynnt um það tafarlaust skriflega. Ef ekki tekst að endurskoða verkefnaáætlun þannig að markmiðum samningsins verði náð er Reykjavíkurborg heimilt að fella niður greiðslur til BÍL eða rifta samningnum. Ef fjárframlag frá Reykjavíkurborg er notað í öðrum tilgangi en samkvæmt samningi þessum eða á þann hátt að gengur í berhöggi við markmið og stefnu Reykjavíkurborgar áskilur Reykjavíkurborg sér rétt til að rifta samningnum og/eða krefjast endurgreiðslu framlagsins að hluta eða öllu leyti þegar í stað.

Skuldbindingar sem í samningi þessum felast skulu í engu raska sjálfstæði BÍL sem óháðra samtaka og skerða ekki möguleika þess að koma sjónarmiðum á framfæri við Reykjavíkurborg að eigin frumkvæði.

Rísi mál vegna samningsins skal það rekið fyrir Héraðsdómi Reykjavíkur.

8. gr. Framsal

BÍL er óheimilt að framselja skyldur sínar samkvæmt samningi þessum án samþykkis Reykjavíkurborgar. Samningur þessi er gerður í tveimur eintökum og heldur hvor aðili sínu eintaki.

Reykjavík,

F.h. Bandalags íslenskra listamanna

F.h. Reykjavíkurborgar

Vottar að rétttri undirskrift, dagsetningu:

Nafn kt.

Nafn kt.

DRÖG